



Broj: 02-02-1083/22
Lukavac, 16.03.2022. godine

Na osnovu člana 108., a u vezi sa članom 41. Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14), Budžeta Općine Lukavac za 2022. godinu („Službeni glasnik Općine Lukavac“, broj: 2/22), Odluke o izvršenju budžeta Općine Lukavac za 2022. godinu („Službeni glasnik Općine Lukavac“, broj: 2/22) i člana 9. Pravilnika o kriterijima i postupku raspodjele sredstava za sufinansiranje/finansiranje projekata iz oblasti kulture, sporta i drugih oblasti („Službeni glasnik Općine Lukavac“, broj: 2/21), Općinski načelnik, objavljuje

**JAVNI POZIV
za dostavljanje projekata iz oblasti kulture, sporta i drugih oblasti
koji će se finansirati/sufinansirati sredstvima budžeta Općine Lukavac**

Član 1.

Objavljuje se javni poziv za dostavljanje vanrednih projekata iz oblasti kulture, sporta i drugih oblasti koji će se finansirati sredstvima budžeta Općine Lukavac.

Vanredni projekat je projekat koji ima jasno određen cilj koji treba postići u datom vremenskom periodu, koji je od interesa za Općinu Lukavac i koji nije planiran budžetom tekuće budžetske godine.

Član 2.

Pravo na dodjelu sredstava mogu ostvariti: udruženja u oblasti kulture, sporta i drugih oblasti, javne ustanove, mjesne zajednice, osnovne i srednje škole (u daljem tekstu: aplikanti).

Pravo na dodjelu sredstava ostvarit će aplikanti sa područja Općine Lukavac koji ispunjavaju slijedeće uslove:

- 1) da su osnovani i registrovani na području Bosne i Hercegovine;
- 2) da su vođeni od strane državljana Bosne i Hercegovine;
- 3) da ne obavljaju aktivnosti u ime političkih stranaka;
- 4) da svoje projekte realizuju na području Općine Lukavac;
- 5) da su opravdali sredstva po ranije dodijeljenim projektima, ukoliko su im bila odobrena.

U izuzetnom slučaju se mogu finansirati/sufinansirati projekti koji se realizuju izvan područja Općine Lukavac ukoliko ti projekti doprinose promociji Općine Lukavac, što u svakom konkretnom slučaju mora biti obrazloženo i potkrijepljeno potrebnom dokumentacijom, a što će komisija cijeniti u svakom konkretnom slučaju.



Sredstva se mogu dodijeliti i aplikantima sa sjedištem izvan Općine Lukavac, a koji su registrovani na području Bosne i Hercegovine, pod uslovom da je implementacija projekta od interesa za Općinu Lukavac, što će komisija cijeniti u svakom konkretnom slučaju.

Član 3.

Prioritetne oblasti i manifestacije predviđene za finansiranje/sufinansiranje su:

- 1) književne, pozorišne, muzičko-scenske i plesne manifestacije;
- 2) promocije knjiga i časopisa iz oblasti kulture, nauke, sporta i drugih društvenih djelatnosti;
- 3) muzički koncerti i festivali;
- 4) izložba slika i fotografija;
- 5) manifestacije filmske i audio-vizuelne umjetnosti;
- 6) vjersko-kultурне manifestacije;
- 7) manifestacije koje doprinose očuvanju kulturno-historijskog i prirodnog naslijeđa;
- 8) manifestacije kulturno-umjetničkog amaterizma;
- 9) manifestacije koje afirmišu kulturu i tradiciju Općine Lukavac;
- 10) manifestacije koje podstiču međunarodnu i međugradsku kulturnu i sportsku saradnju;
- 11) sportska takmičenja osnovnih i srednjih škola;
- 12) manifestacije koje podstiču afirmaciju i razvoj sporta;
- 13) sportska domaća i međunarodna takmičenja koja se održavaju na području Općine Lukavac;
- 14) međunarodne kulturne i sportske manifestacije i takmičenja koja će promovisati Općinu Lukavac u zemlji i inostranstvu;
- 15) druge manifestacije iz oblasti društvenih djelatnosti.

Član 4.

Projekti koji se neće finansirati :

- 1) manifestacije aplikantata koji nisu izvršili svoje obaveze po ranije odobrenim finansijskim sredstvima Općine Lukavac;
- 2) manifestacije kojima je predviđeni dio administrativnih i uredskih troškova i troškova osoblja veći od 20% ukupno potraživanih sredstava;
- 3) manifestacije koje su usmjerene prema političkim aktivnostima;
- 4) manifestacije koje su usmjerene na isključivu dobrobit pojedinca;
- 5) manifestacije koje nisu u skladu sa članom 3. ovog Pravilnika.

Član 5.

Vrijednost svakog pojedinačnog projekta ne može biti veća od 3.000,00 KM, niti manja od 500,00 KM.

Aplikanti, osim javnih ustanova sa područja Općine Lukavac čiji je osnivač Općina Lukavac, za koje je Budžetom općine Lukavac već predviđeno izdvajanje finansijskih sredstava u toku budžetske godine mogu aplicirati sa 2 vanredna projekata.

Aplikanti za koje Budžetom općine Lukavac nije predviđeno izdvajanje finansijskih sredstava u toku budžetske godine mogu aplicirati sa 3 vanredna projekata.

Član 6.

Iz odobrenih budžetskih sredstava aplikanti mogu finansirati administrativne i kancelarijske troškove i troškove osoblja. Administrativni i kancelarijski troškovi i troškovi osoblja ne smiju prelaziti 20% od ukupnog budžeta projekta.

Član 7.

Prijava projekta se podnosi na Aplikacionom obrascu kojeg propisuje nadležna Služba, a koji se može preuzeti na web stranici Općine Lukavac www.opcina.lukavac.ba.

Uz Aplikacioni obrazac aplikanti su obavezni dostaviti **kopiju važećeg rješenja o registraciji organizacije u BiH i kopiju završnog godišnjeg finansijskog izvještaja za proteklu godinu (dokument bilans stanja i bilans uspjeha)** koji je ovjeren od strane nadležne agencije za finansijsko poslovanje i licenciranog i ovlaštenog knjigovođe.

Svi dokumenti mogu biti u formi kopije ovjereni pečatom aplikanta, a po potrebi originalni dokumenti mogu biti traženi na uvid.

Član 8.

Komisija za procjenu i odabir prijavljenih vanrednih projekata će prvo provjeriti da li pristigli projekat zadovoljava administrativno-tehničke uslove nakon čega će projekat ocijeniti ocjenom od 1 do 5 po slijedećim kriterijima:

- a) Finansijski i operativni kapacitet;
- b) Relevantnost;
- c) Metodologija;
- d) Održivost;
- e) Budžet i racionalnost troškova.

Projekti koji dobiju ukupnu ocjenu manju od 10 neće biti odobreni.

Član 9.

Sa aplikantima čiji projekat bude odobren bit će zaključen ugovor.

Aplikanti čiji projekat bude odobren su dužni u roku od 30 dana od dana realizacije projekta opravdati dodijeljena sredstva, u suprotnom su dužni izvršiti povrat istih.

Član 10.

Javni poziv ostaje otvoren do kraja budžetske 2022. godine, odnosno do utroška sredstava na stawkama Bužeta Općine Lukavac za 2022. godinu koje se izvršavaju na osnovu Pravilnika o kriterijima i postupku raspodjele sredstava za sufinansiranje/finansiranje projekata iz oblasti kulture, sporta i drugih oblasti („Službeni glasnik Općine Lukavac“, broj: 2/21).

Pomoćnik Općinskog načelnika
Sadija Osmanović, dipl. pravnik

OPĆINSKI NAČELNIK
Dr.sc. Edin Delić

Dostaviti:

1. Služba za društvene djelatnosti i upravu,
2. Evidencija 2x,
3. a/a